

83.3(5) 23

с 20



# ҮКІЛІ ЫБЫРАЙ



ЖӘККУ

39027



ҮКІЛІ  
ЫБЫРАЙ

---



Өлеңдер



“Фолиант” баспасы

Астана

2005

83,3622,  
ББК-84 Қаз 7-5  
С 20

Үкілі Ұбырай Сандыбайұлы. Гөкку. Өлеңдер,  
аитыстар және әндер жинағы.

С 20 Құрастырган Кекімбек Салықов.— Астана:  
"Фолиант". 184 бет.

ISBN 9965-477-54-X

Қазақтың ұлы композиторы, өйгілі ақын-әншісі Үкілі Ұбырайдың ән жинақтары бүршиң жарық корсе де, өлеңдері мен аитыстары және толғаулары бас құрасып, жеке кітап түрінде бірінші рет жарық көріп отыр. Баспада бар еңбектеріне қоса жинақты толықтыруға М. Тырбиевтің, Қ. Жаптілеуовтың, М. Асаиновтың, А. Салықовтың архивтік материалдары, С.А. Құлмағамбет пен М. Сәркенқызының еңбектері пайдаланылды. Кей олеңдердің сөздерін анықтауда көзінде Ұбырайдың өз баласы Есеп ақсақалдың қолқабысы тиіпті. Жинақты құрастырушы қазақтың көрнекті ақыны Кекімбек Салықов озінің ұзақ жылдар сақтап жүрген дүниелерін лайықты түрде пайдаланып отыр.

Жинақта Үкілі Ұбырайдың талай-талай өлеңдері түңгыш рет ел қолына тимек. "Халық жауы" атанип Кеңестік зобалаң кезінде атылып кеткен актантегер ақынның қолда бар поэзиялық еңбектері ғана беріліп отыр. Осы жолғы жүйеде атақты ақын, дүлдүл композитордың шыгармаларының толық жинағын шыгару болашақтың борышы. Алтын мұра дегеніміз де осы шыгар, толықтыра берейік.

Бұл жинақтың жарық, коруіне демеушілік еткен Солтүстік Қазақстан облысының әкімі Тайыр Мансуровқа алғыс айтамыз.

39027

Ә 4702250202-282  
450(05)-04

ББК 84 Қаз 7-5

ISBN 9965-477-54-X © Салықов К., 2005  
"Фолиант" баспасы, 2005  
Салықов К. 2005  
"Фолиант"  
областная библиотека  
им. С. МУКАНОВА  
г. Петропавловск

012

## Үкілі Үбірайдың ақындық ерекшеліктері

Қазақтың сал-серілер мектебінің алтын ордасы болған Есіл-Көкше өңірін еске алғанда Сегіз сері, Біржан сал, Ақан сері, Үкілі Үбірай ойга оралады, көңіл толқытады, ән әлеміне бөленесің. Дауылғаз ақын, алдына жан салмаған әнші, ұлы композитор Үкілі Үбірай жайлы сөз қозгалғанда оның әлемге тараған әйгілі әні "Гәкку" және қазақтың ұлы әнші қызы Күләш Бәйсейітованы айтпай өте алмаймыз. Бұл ән Е. Брусиловский музыкасын, F. Мұсіренов либреттосын жазған "Қыз Жібек" операсының басты ариясы ретінде кеңінен таралып, 1936 жылғы Мәскеуде өткен Қазақстанның өнері мен мәдениетінің алғашқы онкүндігінде бүкіл әлем таңданған таң шолшандай сұлу саз аспанында жарқ етті. Үкілі бабамыздың көптеген "Гәккулері" "Сыргақты", "Қараторғай", "Қалдырыған", "Көкше", "Аңшының әні" тағы да басқа әндері бір тәбе болып ақындық өнерінің дәрежесін ерекше көтеріп тұр.

Үкілі Үбірай Сандыбайұлы осы күнгі Солтүстік Қазақстан облысы, Айыртау ауданына қарасты Үкілі Үбірай ауылында 1958 жылы ауылында дүниеге келді. Жазғытаудың бауырын жайлаган Жақсылық қарауылынан шыққан Дерінсал Сәбден тегінен тарайды. Сәбден Абылай ханның әрі досы, әрі даңқты батыры болған әйгілі кісі. Дерінсалдың Сандыбай, Маңдай, Әбіле атты үш ұлынынан үлкен әулет тарады. Маңдайдан – Қосшығул, Асайын, Үсейін, Сандыбайдан – Бөпіш (Мейіз), Шалғымбай, Үбірай, Әбіледен – Ұлияс, Кенжегали, Молдагали туган. Асайыннан тараған Смагул, Мырзагүл болса, әйгілі ақын, үздік

әнші Мұса Асайынов (1929-1976) Мырзагүл мен менің шешемнің апасы Баги – апамыздан туды, Смағұл қарт ауылымыздың ақсақалы, қарт ұста соғыстан үш ұлы оралмай, тоқсаннан асып қайтыс болды. Шалғымбайдан тараган Сүлейменнің балаларын, Дәуіггің өзін көріп өстім. Жалпы алғанда Деріпсалдың үрпагы қапсағай тұлғалы, ірі денелі келеді. Бауырым Мұса да бойшаң денелі, қыран мұрын, қалың жонды, өткір ұлken көздері ойнақы келетін жігіт еді. Ол ән салғанда ерекше күш бітіп кеткендей, әу дегенде тыңдаған жанды селк еткізетін. Үбірайга тартып туган асыл тұяқ, деп ел еркелетті, өзі де еркелетуге лайық еді.

✓ Үкілі Үбірайды сипаттағанда Сәкен Сейфуллин:

"Кең алқым, кең көмейлі, даусы керней,  
Ақырмай ән салмайды, кекірек кермей.  
Астына алты қырдың естіледі,  
Шырқаса екіленіп құлаш сермей", –

десе, бұл Үбекенің жетпіске тақап қалған шағы, әлгі Мұсадай кезінде кездессе не дер еді.

Біржан сал жас Үбірайды алғашқы рет тыңдағанда Ақан серіге қарағ: "Ақанжан-ай, ертіп келген шәкіртіңе қанықтый, қазақта жылқының перісі Құлагер болса, ақынның перісі осы екен. Қазақ әніне өзім жеке-дара тұрмын, өзгелерге Үбірай жеткізбес" – деген сөзін Молақмет Тырбаевтен естіп едім, кейін осыған үқсас сөзді Е. Ісмайлоптан да кездестірдім. Бұл ағамыз: "Үбірай – шын мәніндегі ұлы өнерпаз", – деп жазып кетті.

Сол дарабоз дүлдүлдің кеңес үкіметі келіп, әсіресе қәмпеске мен колективтендіру науқандары ел тұрмысын күйзелткенде Үбірай ақын өткір тілін шындық жолында аямады. Ақыры 1930 жылғы қарашаның 4-жүлдызында қамауга алынды. Асыл жерлестерінің тілі де батқан шығар, сол кездегі ақынды көрсеткен, НКВД-ге қол шоқ-

пар болған өзінің жақын тұыстары Шаймұқанды да, Ақыпты да бала кезімде көрдім.

Үкілі Ыбырай "Халық жауы" атанып үсталып кеткеннен соң үй мұлкі талан-таражға салынды, шығармалары шырылдан отқа түсті, атын ататқызыбас, әндерін айтқызыбас әлем-тапырық аласапыран заман туды. Бірақ алмас кездік қап түбінде жатпады, туган елі өз жүргегінде сактады. Ол атылып кетсе де мінезі үлгі, қайсарлығы аңыз, әнжыры үмыттылмады. Кейбір әндерін халық, әні деп, кейбір әндерін әлде кімдікі деп сақтаса да Тәуелсіз Қазақстан дүлдүл ұлына құшагын кеңдеу ашты. Бұл күндері Ыбекенің әндері өзіне қайтарылып келді. "Гәккуге" тиіскендердің де бетін қайтардық, ал "Аңшының әніне" әлі күнге "Халық, әні" деген лақап тарап жүрсе – ол қателік. Әйгілі класик жазушымыз, академик Сәбит Мұқанов "Қазақ әдебиеті" газетінде бұл мәселенің басын ашып, ашық айтқан. Осы жинақта ақынның өлеңдері мен толғау айтыстары орын алса, келесі жолы әндеріне деген де ақиқатты орнату қажет.

Үкілі Ыбырайдың композиторлық, әншілік мол мұрасы жайлыш жазылған еңбектер баршылық, мен ақындық, ерекшеліктерін сөз етпекке бой үрдым. Қазақстанның халық ақыны, Үкілі Ыбырайдың төл шәкірті Молдахмет Тырбиұлының айтуынша ол алдына жан салмаған әншілігімен қатар, қай сайысқа салсаң да дес бермейтін ағынды айтыс ақыны. Оган қоса қаламгерлігі де мол, араб, парсы тілінде оқи білген көрінеді. Ыбекен хат танығаннан кейін қолына түскен кітапты оқығыш болыпты. "Мұңдық-Зарлық", "Қыз Жібек", "Жүсіп пен Зылиха", "Тотының тарауы", "Сейфіл-Мәлік", "Мың бір түн" іспеттес лира-эпостық, батырлық һәм гашықтық жырлармен қисса, дастандарды жақсы білген. Әсіресе "Ер Тарғын" мен "Мың бір түнді" өз ыргақ, нақышымен әнге қосып жатқа айтуға шеберлігін танытыпты. Кейде қара сырнаймен, кейде үкілі домбырасымен қоса шырқап, поэзияның желісіне

қарай ән мақамының өрісін жатық үйлестіре білгені үлкен өнер. Ұзақ поэманды әндегенде, кейде қолындағы домбырасын жерге қоя салып, тақпактатып кетіп, отырған жерінен ілгері, кейін жылжып қызығылықты қымылдармен жалықтырмас әртістерше тыңдаган жанды жіпсіз байландағандай баурапты.

Бойға қонған жан-жақты өнердің арқасында ауыз әдебиетінен әбден сусындал, жазба әдебиетіне иек артып, өз ақындық өрісін кеңіте білгені біз үшін алыстан-ақ, көрініп тұр.

Үкілі Үбірай өзіне үлгі болған Арыстан, Орынбай, Шал ақын, Серіз сері, Тезекбай, Шөже, Нұркей, Біржан сал, Ақан сері, Мұстафа сияқты саңлақтардың әндерін, айттыстарын ел арасына таратада білгендігі бір төбе. Қолына домбыра алғанда мынау Орынбайдың, мынау Біржанның, мынау Ақанның домбырасын қолына алғандагы өз ыргағы, өз құлақ күйі деп, әуезімен, әуенімен, әр кімнің өзі сүйген сарынымен орындауга жетіктігін шебер айғақтағы. Молдекенің өзі де үстазынан көргенін елге таратып кеткені көпке айғақ,

Үбекең тек қана ауыз әдебиетінің өкілі емес, ол өзінің ең жақын һем жанашыр пір тұтқан үстазы Ақан сері секілді суырып салма төкпе де, ойланып жазар жазба да ақын. Негізінде олар ауыз әдебиеті мен жазба ақындарының оргасындағы табиги алтын көшірлер іспеттес жол салды. Үбекеңнің ақындық ерекшелігіндегі басты көрініс сол жанжақтылықта жатыр. Керегінде ағыл-тегіл құйғытып, қай сайысқа болсын іркілмей кірісе кетеді. Құрделі ән, не өлең туарда ішіндегі нәрестесін тоғыз ай, тоғыз күн көтеретін анадай ұзақ уақыт толғатып акқудың қос қанатына байлардай етіп жетілдіреді. Ақындық ерекшеліктің қайнар көзі нәзік сезімге оранған ақыл мен ойдан туса, сол көкейкесті түйткісін Абай айтқандай: "Тіл үстартып, өнер шашардай" дәрежеге жеткізеді. Ақындық дерті — тілде. Үбірайдың тілі де жебедей жеткіш өткір тіл. Жас

кезінде әрлі сөз, үлгая келе мәнді сөз, ашынғанда зәрлі сөз таба білген Үкілі Үбірайдың тілінде ақындық ерекшелігінің басты арқауы жатыр. Ақынның тіл байлығы шерлі сөзімен зерлі сөзін қоса жекеше талдауды талап ететін үлкен қазына. Ол ержүрек, ташқыр да айтқыр, тіксілтегіш қайсар ақын.

Үкілі Үбірайдың тіл өрнегіне аздал қана на-зар аударсақ, оның мейірімі мен қайырымы тар-тып, өзгеден айырымы ашық көрініске жолыга-мыз. "Гәккү" деген сөздің өзі де қазақтың поэзи-ясы мен бүкіл тіл әлеміне алтын айдардай болып кірген ғажайып. "Ұлпікер сұт бетінде бал-дай қаймақ" — десе "ұлпікері" үздік тілдің белгісі гой. "Қарақат көзді, сым саусақ" — теңеуге жүй-ріктігі. "Көк зенгір, жасыл жартас Жалғызта-уым" — дегені қандай өсем. "Қайқақтамай көте-рер, досы үшін тау-тасын" — дегені де нагыз қазақы тіл. Ал: "Бір атым насыбайдан көңіл қалар, айта бер, айтсаң сагың сынбаганга" — дегені тереңдіктің көрінісі. Майталман ақынның қай өлеңін алсақ та, ұлттық суреткерлікті білдіретін бояуы ашық ояу сөзді, ішкі маңызы мен айттар ойға дәлме-дәл келтіріп, тап басқыштығына қай-ран қаламыз. Тіл мен жаққа құр сүйену емес, өткір тілі өсем әндеріне де дәйек болыш ескек желдің табиги сыбырындағы поэзия әлемін ке-нейте түсуге сенімді семсер міндетін атқарды.

Үбірайдың ақындық таланттынан әншілік да-рынын да бөле жаруға болмайды. Ол алдындағы көсемдері Біржан сал, Ақан серіге еліктеп алгаш-қы өлеңдерін де әнімен қоса шалқытты. Уыз ту-ындылары гашықтық сарында, әзіл күлкі ауқы-мында дәстүрлі лириканы байытқаны анық. Қа-зактың ежелгі салты бозбалалықтың қызығын күйттеу Үбірайға да бастау берді. Шебектің Мұқанының Мәлике атты сұлу қызын бір жи-ында Ақан серінің ойынды басқару салты мен нұсқауы бойынша алқа топта бірінші болып қасы-на өлеңмен шақырыпты.

"Бозбалаға бұл бір сын жеке-жеке,  
Әркімнің қасындағы сәулесі ерке.  
Бүйрығы ханзаданың екеу емес,  
Жанымда келіп отыр, ей, Мәлике", –

деген өлеңі сонда туыпты. "Ханзада" деп отырғаны Ақан-агаң той. Ақан серіні агайын ел іші әуелі "ақ жігіт" деп атап, артынан "Ақан-ага" деуге көшіпті. Ал, бұл Мәликеғе байланысты шумактың жарық көруіне ол кезде жігіт агасы болып қалған Ақан серінің жастардың ойынын бастап беріп, бірінші кезекті сенімді шәкірті Үбірайга сілгеуінде жатыр. Жас Үбірай "Көсем қында, шешен жиында" дегендей көш бастап, өзі міндеттін атқарыпты. Ол нағыз ішкі сенім мен қанына тua біткен жүректіліктің белгісі. Міне, сол сәтте шыдай алмай буыны бусап, күміс шолпысын әсем үнмен сылдырлата, сзыла басып, сиқырлы сылқым Мәлике сұлу ашық ажарын жайната түсіп, жас ақын Үбірайдың қасына отыра кетіпти. Сол ғажайыш жастық шақ деген асыл дәурен әрі қарай жетелей береді. Күндер жылжып озған сайын өлеңі де маңыздынап, жанга жайлы, көнілге жылы тиер дәрежеге жете бастайды.

"Ән салып Сері болып талағтандым,  
Ақылын тыңдау қайда барлық жанның.  
Бөркіме үкі тағып, сәндең киіп,  
Жолына түспей кеттім дүние малдың", –

деп өзінің ана сүтімен ере келген ақындық, әншілік өнеріне белді бекем буганын үғымға жеңіл, жинақы тілмен осылайша киыстырыпты. Әкесі Сандағайға тартып ұста болмады, немере агасы Әбілге еліктең саясатқа кіріспесе де, ақындықтың сүршаша құсы жебеп өнер жолына сиқыр күшпен еліктетті.

Өмір өрісіндегі жаңа белесіндегі ақынның "Жиырма бес" атты өлеңі жарқа етті. Міне, ақындық жолында ауызға лектірген бастамасы осы еді.

“Қызды ауылдың сыртынан,  
Қылаң еткен жиырма бес.  
Қызды көрсем қайқайып,  
Құлай кеткен жиырма бес.  
Суга келген жеңгейге,  
Ұнай қалған жиырма бес  
Жеңге халің қалай дең,  
Сұрай қалған жиырма бес  
Бесіктегі баладан  
Алғыс алған жиырма бес,  
Төрде жатқан кемпірден  
Қарғыс алған жиырма бес...” —

Деп төгілте жөнелсе, ақындық қуаты да жасына қарай жаңарып, жауқазын гүлдей құлпыра түсіп, көз тарта бастағанын айқындаиды. Бұл кезде суреттеу тәсілі, бейнелеу әдісі келесі бір биік белеске көтеріле бастады. Тап осындай ыргакпен келетін “Жиырма бестер” Ыбырайдан бұрын да болды, “Құлдір, құлдір кісінетіп, күренді” мінгізді. Ыбырайдың “Жиырма бесінде” өз көзіңмен көріп тұргандай өмір көріністері айнадай айқын, тартымды беріледі. Әні де ә дегенде алдына мал салмас жүйріктей ұшқыр, қызғын шабысқа бастап кетеді. А.С.Пушкиннің “Ескерткіш өзіме орнattым келмес қолдан” деген өлеңіне шейін бірнеше “Ескерткіштер” болған. Бірақ Пушкиннен кейін бола қойған жоқ. Ыбырайдың “Жиырма бесі” де заманындағы аттас өлеңдердің ең сүйкімдісі болып кең тарап кетті. Бұл күнде байтақ елдің қай тұпкіріне барсақ та Ыбекеңнің “Жиырма бесі” алдымыздан шығады. Әсіресе Қайрат Байбосыновтың орындауында есту бір ганибет.

“Ауылым қонған Сырымбет саласына, болым гашық ақ сұңқар баласына” — деп Ақан серінің “Сырымбет” әнінің сөзі Үбырайға екі жақты ұлғі таstadtы. Өз әдрісін анық айттып, жаны құштар гашығына деген ішкі сезімін ашық жеткізді. Ұстазы секілді Үбырайдың да ынтық сөздері әнінің

асқақ қарқынынан кем соқпайды. Ол алдындағы  
даналардың ел сүйсінген ұлгісінен алган дәрісін  
жасырган да жок.

"Өлеңмен екі өкпеңді қалқытайын,  
Қорғасындаі дененді балқытайын.  
Біржаннан алып қалған әнім еді,  
Азырақ, "Шалқымамды шалқытайын", —

деуі әлгі ойға дең қояды. "Шалқыма" Үбірыайды  
толқыға түсті, өлеңіне орнықты ырғак, жүйелі  
тың сарын ұсынды. Оның ақындық болмысы өз  
арнасын тапқан өзендей, өз шалқар теңізіне қарай  
аспай-саспай ага бастады.

Бара-бара бұл өзен тасқынды сайлары мен  
қарқынды құламасын ташты. Ол көңілі ауган,  
шабытты желген жерде еркін сілтеп, алты қыр-  
дың астына жетердей шырқауға дағыланды,  
ерен ақындыққа ере туған қанатты әндер елді  
жалт қаратты. "Үкілі Үбірай" атанды. Дарқан  
акындығы қай думанға кірсе де ел құлағын  
елендettі, жан құшырын қандырды, әрдайым  
өрелі дәрежеге жетеле, өрге шапса өршеленер  
жүйріктей заулатты. Тамаша ғалым, белгілі әде-  
биеттанушы Есмағамбет Смайилов 1966 жылғы  
"Жұлдыз" журналының №11 санында осы ойды  
шегелеп бекіткендей айтты. "Халық тарайтын  
емес, ағылып келіп жатыр. Үбірай іркілген жок,  
бұл жолы термелері жәрмеңкеге келген халық-  
ты қошаметтеп, әр ұлдың руын, тарихын тара-  
тып бірталай жырларды үйілтіп, төгілтіп айттып  
тастады... Арасында күлдіретін әзіл-сықақ сөздер  
де, бұрыңғы-соңғы ақындардан нұсқалы, нақыл  
сөздер де аузынан шықты" — дей келе: "Бұл менің  
онбес жасымда Үбірайды тұңғыш көруім...  
Бәрінен де Үбірайдың дарқан ақындық, әншілік  
өнері, алғыр шешендігі есімнен кетпейді", — дей  
тебіреніпті. Міне, әдебиет білгірі де "дарқан ақын-  
дық", "алғыр шешендік" — дей баса айттып отыр.  
Хан базарлы жәрменкеде еркін төгілу де әркімнің

Қолынан келе бермейтін агедендік. Ал “әр үлдың ... тарихын” тәмамдауы Ыбекенің тайга таңба басқандай айта білер мәттақам қабілетін, толайым зеректігін танытады.

“Гәкку” жайлышталай сырды шертер едім, бірақ өнін де, тамаша сезін де байтақ ел түгел біледіғой, сол асқар шыңына қолтықтас тұрган тұмаларын көрсетейін деп, “Гәккуге” көп тоқталмадым. “Құс салып айдын көлде дабыл қақтый” — деген сезі де қанатты сез болып кетіп, кейінгі талай тарланға үлгілік көрсетті. Үкілі Ыбырайдай ақының, ақынның қазак поэзиясындағы асыл орнын сез етіп отыргандақтан “Гәккуден” кемшін түспестей, “Қарақат көзді сым саусақ” атты өлеңіне молырақ зер салғым келді. Шынайы сезім мен шалқар шабыт түйіскенде, шықтай мөлдір шындық сырын шашпай-төкпей ашық айтудың үлгісіндегі тамаша туындысы осы. Бұл өлеңі Абайдың ғашықтық тақырыбына жазылған әйгілі толғаныстарын амалсыз ойға оралтады, дана жүректердің махаббатшыл нәзік лұпілдері де алыстан ұласып жатқандай сезім білдіреді.

“Қарақат көзді, сым саусақ,  
Ләбізің сенің бал қаймақ.  
Жолыңа сенің сарп етпей,  
Неге де керек малды айдан.  
Қарақат көзді, ақ, білек,  
Айтайын бір сез үлгілеп,  
Қайғың алды денемді,  
Жүректің басын тілгілеп.  
Етің аппақ, қояндай,  
Қызығыңа тоям ба-ай,  
Алыстан аңсан келгенде  
Не қыл деп жатсың оянбай”, —

Деп наздана тебіренгені ақынның жан қияр ғашыққа деген үздігіп тұрган құмарлығы, ынтықтығы һәм өзінің де осал еместігі қатар көрініп түр. Сәкен ағамыз “Тау ішінде” атты өлеңінде

“Білгейсің келгенімді жалғыз өзің” — десе, өзім де “Аққу жеткен” айты өлеңімде: “Ей, қалқа таң мезгілде сырласайық, толқынға тербетіліп жатшы оянбай” деп сызыла қалыптын. Ал, Үбекен: “Алыстан аңсан келгенде не қыл деп жатсың оянбай” деп, өзінің аңсанан жүргегінің ыстық лебі мен гашықтық ерке назын қосақтайды ашықтан ашық, тосады. Сырт қараганда қатаңдау, қысандау, сәл бәлсінгендей көрінгенмен “Не қыл деп жатсың оянбай” деудің өзінде де бал ләззаттың үзім шырынын тезірек татуга құлшынғандық жаттыр. Қимастық, сыйластық, күрт сагынышқа оранған шыдамсыздық шырылдап түр. Ақындық, ақжарма мінездің бұл да бір айқын айгагы. Үкілі Үбырайды жақсы білетін классик жазушымыз Сәбит Мұқанов: “Қарақат көзді” деген өлең 50-60 ауыздай бар. Бәрін де “Қарақат көзді” — деп бастайды. Бұл өлең осы күнгі махаббатшылардың өлеңдерін маңайына отырғызбайды” — деп жазған екен. Одан артық не айтпақтыз.

Не десек те поэзияның бұл кесек үлгісінде Үкілі Үбырайдың ақындық ерекшелігін тауда өскен өсем шынардай, алыстан айқын танытқандай тамашалық бар. Айқын сөзін өз өнімен шырқасақ қазақтың керемет өні, ал роман салына салсақ өз көркемдігін, сезімталдығын, толқымалығын аша түсегіні сөзсіз. Жалғыз өлең үзак поэмадан кем емес, шагын роман, даланың романсы секілді. Бір өлеңді тамаша поэма дәрежесіне жеткізе білу де үлкен шеберлік. Мұхтар Әуезовтың “аз көлеммен көп магына беретін шеберлігін” академик Зейнолла Қабдоллов айтқандай, Үбырайдың да айқын тілімен аз сөйлеп, көп ой қозғай білгіштігі көп өлеңдерінде соқырга таяқ ұстаратқандай көрініп түр. Шеберлік деген үгымның шырқау шебі де осы шыгар.

Композиторлығын баса айтып дағыланған-дықтан Үбекеңнің ақындық мұрасына зерттеушілер көп мән бермей келді. Ол кемшілікті түзету қажет. Әрі айқын, әрі композитор, әрі үздік

орындаушылық бір өзіне қонғандықтан логика жүйесіне салсақ; өлең сөзі бірінші, содан кейін ән, ең соңында орындау тұрады. "Бес ғасыр жырлайды" (Алматы. 1984. "Жазушы") атты белгілі жинаққа Үкілі Ыбырайдың кірмеуі мені қатты қынжылтты. "Ала қойды бөле қырыққан жүнге жарымайды" деген сөз көкейімнен кетпей қойды. Біржан сал, Ақан сері, Үкілі Ыбырайды бөле жаруга болмайды. Бәрі де ең өуелі ана сүтімен ере келген ақындыққа бөлөнді, содан кейін әнге құндақтады, одан әрі орындаи берудің құдіретті қүші бітті. Үкілі Ыбырайды да қазақтың үлкен ақыны дег танып, қатардан қалдырмаган ләзім.

Ыбекен қай тақырыпқа барса да көкірегінің көзі жеткен, ақындық сөзі жеткен шырқау шыңға шықпай тынбайды. Құштарлық пен құлшыныстың мөлдір ләzzатқа өле құмар қарқыны қазақ, ақындарының ішінде "Сүй, жан сәулем, тагы тагы да сүй, тагы да" немесе "Бұл ләzzэттің бір минутын бермеймін, патша тагы бүкіл дүние малына" – дег тұрган Мажжанда айқын кездеседі. "Қарақат көзді сым саусақтың" бір шумагында:

"Мұхиттың сенсің құндызы,  
Аспанның сенсің жұлдызы,  
Өзіңнен сәулем аспайды,  
Пейіште жүрген хор қызы", –

дегенін естігенде, өзі барып пейіште жүрген қызды көріп келгендей сенесің. Сүйгөн қызын жер-көктө, фани-бакида бар сулуулардан асырып жіберуі бұл галамда бар шыргалаңға өуестіктің нағыз өзі, қазақ поэзиясының тәңір беріген асыл төрінен орын алар кемел деңгейін айқындағаны. Ыбекенің өлеңдерінде тың суреткерлік, тұлғалы да үлкен ойшылдық, гашыққа деген ақжарма ашықтықтың нәрі бар галаматтың бәрі бар. "Қарақат көзді, сым саусагы" сол ерекшелігін айқын танытады.

Жорықта сес көрсеткен батырлардай асқақтап, ақындардың өздерін-өздері көтермелеулері

дағдылы үрдіс. Ыбекен де бұл бәйгеден озық келген намыскер. Тілге тиек болар "Қайран Гәккү" деген өлеңінде:

"Қыздан да қылықтымын жүрген жерде,  
Ханнан да қадірлімін туган елге.  
Ақ тамак, шұбар бауыр қоңыр қаздай,  
Сала алмас "Гәккуіме" еш бір пендे", –

деп, мәреке жетерде алдына жан салмас Құла-  
герше еркін қарқындаиды. "Ханнан да қадірлі" болса да, ел алдында қыздай тәлімді қылышын көрсетеді. Дарияның ішкі ағыстары мен сыртқы толқындары табиги араласып жатқандай ақынның ішіндегі қызу құйылымдар ерік бермей жүлқынып сыртқа шығады, асау толқындарға айналып бірде бүрқаның, бірде сылқым гана сылдырлаи "құлақтан кіріп, бойды алады". Адамның жан дүниесі мен тән сезімін ашық көрсетуде Ыбырайдың өзіндік ерекшелігі бар ерен ақын.

Үкіл Ыбырай Абылай ханның батыры атанған Сәбден дауылшаздан тараң, немере ағасы Әбіле Шыңғыс Үәліұлының хатшысы болып, өзі атақты ақын, әнші ретінде дүниенің қызығын көріп, көрешектің есесін қайтарғандай ән-жырын іркілмей төгілтіп өтсе де, оның тағдырының тәбдел бермес қындығы да зор болды. Әсіресе жасы ұлгайған кезде жазған өлеңдерінде сол баяғы ерке екпінмен өмір шындығын бояусыз бүркемесіз шертеді. "Сүм дүние суманған сен бір қақбас, үйінде сені қуган үш күн жатпас" – деп тегіннен тегін айтпаған гой. Біреулер үйінде үш күн жатпай, қара бастың қамын ойлаап шылқыш жүр, біреулер бұрынғыдан жүдей түсті, әне, сондайды байқагыштығы тебіреністің ашық түрі болып ет-жүрегін жарып шығады. Ақынның әлеуметтік сарындағы өлеңдері толагай толғау-лар іспеттес аз сөзбен шексіз үгым береді.

Үкіл Ыбырайдың көңілге бір естігенде не бір оқығанда жеп-жеңіл қона кетер қанатты сөзге

айналған иірімдері де жетерлік. Академик Аманжол Қошановтың әкесі, Шал ақынның шөбересі Қошан Жантілеуұлы ақсақалдың Ұбырайдан қалған сөз деп, айтып жүретін шумаққа зер салайық;

“Қосылған жолдан шуйкебас,  
Жан қияр жерде жар болмас.  
Айыр өркеш нар болмас,  
Әкенің сөзі балаға  
Канша айтсақ та ар болмас”, —

Депті. Бұл фәлсәфалы толғаныс қай заманда болсын өз құндылығын жоймайтын ойлы көкіректен туган жан сыры. Ұбекеңнің ақыл-ойга толы терең психологиялық толғаныста туган өлеңдері де баршылық:

“Шаш алмас өтпес пышақ қайраганга,  
Томар су суат бермес жайлаганга.  
Талықсып қорғасындаи денен балқыр,  
Таңертең қара торғай сайраганда”, —

Деп теңізде жүзіп бара жатқан нән кемедей асық-пай, саспай кемеліне келе тебіренер жерлері сүй-сіндірмей қоймайды. Бұл шумақты “Қараторғай” атты өлеңінен алып отырмын. Сол өлеңде: “Қиянат қылмау керек тимегенге, жанасып неге керек сүймегенге” — деуі де философиялық қарымды, психологиялық танымды меңзейді. Есіл, Қекше өңіріндегі үлкендер бала кезімізде бұл сөздерді тілдеріне тиек ететін. Тоталитарлық қыңыр, біргога идеология ақын сөзін қанша қараласа да құлыштай алмағы. Ақынның талай сөздері есті адамға күш беріп, ел аралап жүре берді.

“Қалдырган” атты өлеңі туган елге деген аманат атанған соңғы сөзіндей ел ішінде түгелдей жаттады. Осы күнде қазақ елінің қай түшкіріне барсаң да алдынан шығады. Бұл өлең алғы буын ағалар мен соңғы түлек інілерді жалғастырып тұрган, өмірдің мархабаты мен мекнатаң жасыр-

май көрсетіп, жасы ұлғайғанда тәубага келгендей ғақыл сөзі іспеттес татымдылығымен ел жүрегінен қоныс тепті. Одан кейін:

“Қызығың дүние өткен күн,  
Кейінгі қуып жеткен күн.  
Байланбаған асаудай  
Сырт айналып тепкен күн”, —

деп өмірінің шуағы өтіп, шөлейтті келеңсіз кезеңдері тебірендіре бастағанын ұлken күрсініспен айта білуі нағыз шеберлік. Өйткені “Сырт айналып тепкен заманның зардабына қазақ, халқының көніп отырганына жаны ашиды, қыындыққа арқа жонын тосып, жауапкершілікті өз мойнына алып отыр. Бұл ұлken астарлы өлеңде түгел айтып сілкілемей, ымдал қана сілтеу бар. Бұл да ұлken ойлы ақынның азаматтығын айғақтайды.

“Жолдас болсаң жақсымен,  
Терең ойлы, ақылы кең,  
Кішіпейіл сыр шашнас,  
Мінез, білім келсе тең”, —

деп, өмірдегі үзеңгілес, сырлас, сыйлас болар жолдастың қандай болуын жырласа, мінезге білім сайлығы қажеттілігін өдемі келтірген. Бұл мың түрлі сарында ерте де, кеш те айтыла беретін тақырыптың ол кездегі поэзиямызға қосылған ойлы үлесі деп түсінерлік туынды.

“Қыс келсе қадыры кетер өткен жаздың,  
Әр ісі паш келеді өнерпаздың.  
Шөл жайлап, томар қонған күні құрсын,  
Болмаса көл саясы қоңыр қаздың”, —

деуінде адам жанын толғандыратын, жақсының кимастық, жаманға көніл толмастық наз жатыр. Бұл өлең Ақан серінің:

“Өмірдің көбі өтіп, азы қалды,  
Қос көлдің қуы кетіп, қазы қалды.  
Ей, қалқа бұл ауылдан сен кеткен соң  
Ертайдай келіп жүрер тазы қалды”, —

дегенідей елестейді, бірақ өз заманының дертін айтқандай, өз ерекшелігі, өз байқампаздығы бар, өз дертін Ыбырай басқаша жеткізеді. Ақындық толғаныстың ішкі монолог жүйесінде төгіліп түсken мәп-мәлдір түріне қосылады. Міне, осындаі адами толғаныстар ақынның поэзия деп атаплатын көркемдік өресін, психологиялық парасатын, ашық ақындық үздік шеберлігін көрсетеді.

Қошан ақсақал Ыбырай ұсталғанда артынан тоқтты сойып, қымыз апарған екен. Сонда Ыбекен:

“Атығай мен Қарауыл,  
Бірің – тіл, бірің – көмейсің.  
Жакындығың осындаі,  
Қайсысың маган өгейсің.  
Ашыққанда ас беріш,  
Әлсіздерді демейсің.  
Нәсіліңе тартып сендер де,  
Елдің қамын жегейсің”, —

деп әндете толғаныпты.

Бұл сонда Үкілі Ыбырайдың 72 жасқа келген кезі. Ел асылы, ел ағасы жалғыз Атығай мен Қарауыл емес, бүкіл қазаққа аты әйгілі ақынның айтып отырган ел бірлігін көксеткен ғұлама гибраты да осы. “Әлсіздерді демейсің” — дегенде өзін айтып отырган жоқ, ел ішіндеі аштыққа үшыраган кем-кетікті айтып отыр, “Нәсіліңе тартып” — деуі ұлтыңа тартып дегені емес пе. “Елдің қамын жегейсің” — дегені әмсек үрпаққа бірдей қажет ел ұраны біздің бүгін көрген тәуелсіздік заманымызға да ауадай қажет болып отырган жоқ па. Елбасымыз Н.Ә. Назарбаевтың бүгінгі таңдағы барша елге айтып жүрген ақ тілегі той.

Елдің қамын ойлаған азамат ақын Үбырайдың бұл сөздері оның шығармашылық өнерінің шырқау шыны, ақындығының "Гәккуі".

"Қаумалаң халқым келгендеге,  
Қияга қанағ қомдадым.  
Би-болысты мысқылдаң,  
Қыр соңынан қалмадым", —

деп ақ, патшаның кезінде қағытқаны жалын жүгүп, шоқ шайнаған ызалы да, кекті де кезі. Ал шал тартқан шақта:

"Сақал мұрттың ағында,  
Өлерімнің шагында,  
ГПУ — деген мекеме,  
Ішінде ұстап қамбаның  
Әлде қайды қамадың?  
Қысқарып өріс түрғанда,  
Биікке қалай өрлейін.  
Асылды білмес наданды  
Айтып қалай емдейін", —

деп торықса, абақтыда отырып елден келген адамдарға шынын, сырын, көкірегін кернеген мұңын айтқаны бір жағынан кеңестік дәуірдің зорлығы мен қорлығын әшкерелеген азаматтық жан дауысы болып естіледі. Көз жұмардың алдында тап осылай айта білу де Махамбеттік мінездің үшқынындай әсер қалдырады.

Үбекенің ақындығын сөз еткенде: "Сүйгенім кете барды соңыма еріп", "Қалдырган", "Көкейкесті", "Көкшетау" секілді туган елге ынтық мархабатты, шапағатты өлеңдерін ұмытпаймыз. Олардың бәрін және айтыстары мен термелерін толық, қосып, толағай зергтеу шағын мақалага ауыр болар деп қана, қадау-қадау жерлеріне тоқтадым. Эйтпесе Дәнеш Ракышев сынды әйгілі әнші айтып өткен "Аңшының әні" деген өлеңнің "дө сөзі ғаламат қой. Ол өлеңді Сәбит Мұқанов ага-

мыз рабфакта Орынборда оқып жүргенінде жазып алыпты, шыгармаларында толығымен бар. Мениң өзімнің бала кездегі блокнотымда да Молдахмет Тырбиұлынан жазып алғаным сақталышты. Әйтеуір бірінен түсіп қалған жерлері бірінен табылардай жөні бар. Орнында бар оңалар деген даналықтың дәл келгөні де осы шыгар.

“Бірге өскен кішкентайдан асыл еркем,  
Көңілімді қалай менің қалдырасың.  
Құр айтқан асыл сөзің алдағаның,  
Сандықтың аштырмасаң абдырасын.  
Ай жарық, терезенің дәл түбінде,  
Төсекте қара шашың салбырасын”, —

деп ағындараттын “Қалқа баласын” ақын жүректен қалай гана үзіп тастарсың. Үкілі Ыбырайдың ақындығы дегендеге айттар сөз аз емес, қайсы бірін тізбектеп тауысармын. Бірақ, азаматтық, өжеттігін көрсететін бір өлеңін һәм ақырғы өлеңін ертең Көкшетаудан Қызылжарға әкетерде абақтының қабыргасына жазып кетіпті. Абақтыдан шыгарғанда милицияның айдауылдары көріп қалып, ішіндегі бір жуастау қазақ баласына сүртіп таста деп кете барыпты. Әне, сол жігіт өлеңнің біразын өнері жеткеніше жаттац, кей жерін асығыс жазып алып бір туысына жасырын айтып беріпті. Қайырымсыз ГПУ-ге, Кеңес үкіметіне деген ашық, келемеж бен улы сықақты бүл өлеңді бұрын естіле бермегендіктен қолымда барын толық, келтірейін:

“ГПУ” — деген сотымыз,  
Жүріп түр гой хотыңыз.  
Жетпісте шалды айдағтың,  
Кесілді гой кө...міз.  
Атаңа нәлет Николай,  
Қырсығың тиді-ау бір талай.  
Білместі талай білгіздің,  
Мақпалдан шалбар кигіздің,

Жібектен дамбал кигіздің.  
Жүйрік пен жорға мінгіздің.  
Ханнан да асты қадірім,  
Алғыс пен құрмет үйгіздің.  
Айналайын советім,  
Теріден шалбар кигіздің,  
Кенептен дамбал кигіздің.  
Жел жаққа тура қаратып,  
Тік тұрғызып сигіздің.  
ГПУ-ді салып соңыма  
Жамандыққа қиғыздың.  
Алыстан келген жауым жоқ,  
Ауылдың итін үргіздің.

Міне, ақынның жанған оттан, төнген оқтап тайынбас дауылпаз мінезін көрсететін тоталитарлық қысымда кек кернеген толғауын нағыз ғасыр үні деуге әбден болады. Ақын "Көкейкесті" – деген өлеңінде терең оймен толғана түсіп: "Әулиесі бақсының қараса да, жүрегімді жазуға табылмас ем" – десе, жүрегін жазуға жааралық ем – елдің жүдеу халінің түзелуі еді ғой. Ол жылдарды қайтып көзі көрместей, құлағы естіместей қамыққаны да сол да. Келе жатқан аштық, пен жұттың алдынан шығып, тойтарыс бермекке ұлыққа қарсы сөз айтамын деп, Кеңес үкіметінің қиянатшыл каһарына жазықсыз таң болды. Адуынды арқалы ақын дүниеден қамығып өтті. Біреулер "Барса келмеске", біреулер "Көк аралға" айдалды дейді, енді бір дерек Қыыр Шығысқа сілтейді. Менің үғымымша соның бәрі бекер һәм шығарыш салма сөз, алдамшы сөз секілді көрінеді. Үкілі Ұбырай атылды деп есептеймін. Сәкенді де "анда көрдік", "мында көрдік" дегендерінің бәрі де далбаса болып, далада қалған жоқ па. Сәкен де ГПУ-дің "ұштіктігінің" шешімі қабылданған күні атылып, Алматының түбіндегі бір ескі ауылдың тонырагында көппен бірге көмілді. Ұбырайды да сол қатыгез тағдыр жұтты ғой деп ойлаймын. Осындағы мүң үялаған уақытта:

"Ардақтап атамаймын атын бекер,  
Жетпісте жолбарыстай батыл екен.  
Атылған ел, қырылған аштықты айтып,  
Үкілі Үбырай қайда жатыр екен?" –

деген сияқты шумақтар жүректен тамшы жастай үзіліп түсे қалды.

Ақынның поэзиялық ерекшеліктері туған жері, өмір сүрген қоғамдағы ортасы, соған байланысты әлеуметтік һәм саяси құбылыстарды өз жүргегінен өткізіп, өзінше тебіреніп көніл күйін, жүрек сезімін, ақыл-ой толғаныстарын ақ қағазға түсіре білуінде жатыр. Ерекшелік деген әркімнің өз болмысы, өз мінез-құлқының айнадағы бейнесіндей көрініс қой. Өмірде қаншама адам бар, соншама мінез-құлқы бар, стиль – деп атальтын айқындауыш түрі бар. Сол стильде ақынның да ерекшеліктері әр теңіздің өз тасқынындаі толқын ұрып жағалауға жетіп жатады.

Үкілі Үбырай да тап солай өзге еш ақынға да үқсамайтын өзіндік мінез-құлқымен, өзіндік ашықтығы, айқындығы, турашылдығы, шапшаңдығы мен салмақтылығы бар ақындық дара құбылыс. Үбырай кейбір халық ақындарынша бір сарында, бір гана ырғақта, бір гана өлшемде қалған ақын емес. Оның шығармашылық, ақындық тәсіл, әдістері сан қылышынан келеді. Оған қоса ол қазақтың жазба әдебиетіне де, суырыпсалмалығы бар ауыз әдебиетіне де қатысы молынан бар қаламгер, сегіз қырлы бір сырлы парасатты дарын. Бір сөзбен айтсақ шындықты тұра сілтеуден жалтармайтын, қай заманда өмір сүрсе де өзінің өжет қалпында өршелене қала беретін бірбеткей ақын. Оның қай өлеңін, термесін, толғауын алсаңыз да жаңалық пен ақиқаттан, нәр алған өткір де шешен, терең де ерен жалтарусыз мінезіне қанығасың. Дүниеге мейлінше гашық ақын, дүниені соншалық айқын, ашық, жырлап өтті. Өз қара басының қамын күйттеген жоқ қоғамдық талас тартыстарға қатынасып, сол

елім деп еңіреп жүргөн жолында қатыгез за-  
манның аяусыз ажал оғынан қаза тапты. Үкілі  
Ыбырай сал-серіліктің сайранында қалып қой-  
май, бойына Махамбеттің мінезі сіңген қайсар  
ақын, алғыр айтыскер, ұлкен сықақшы, ержүрек  
азамат ақын. Оған қоса айтарым: “Көкіректе қай-  
наган шер ондыра ма, көңілді бір орынга қонды-  
ра ма?” — деп өткен нағыз мұнды ақын.

Ұлы композитор, алдына жан салмай өткен  
дүлдүл әншінің ақындығы да сол гажайып та-  
лантына сайма-сай туган тұтас дүние. Ақын үшін  
ескерткіштің ең ұлкені — артында қалған ең-  
бектерін толық жинастырып, ел қолына беру деп  
білемін. Міне, осы мақсатқа жету жолында Үкілі  
Ыбырайды зерттеп, жинастырып жүргөн ақын-  
дар, әншілер, сазгерлер, жазушылар, галымдар  
бірігіп еңбек етсек, ел қуанар іс бітпек. Сол қа-  
сиетті ұмтылысқа қозғау салып, тұрткі болардай  
ел құлагын елеңдетер деген үмітшіл сезіммен  
асыл бабамыздың ақындық ерекшеліктерін қыс-  
қаша сөз еттім. Айтар пікірім бұл мақаламен шек-  
телмейді, келер күндер дарқан дарынның абзал  
есімін аялай түсер деп сенемін. Бар айтарым:  
Үкілі Ыбырайды тек қана ұлы композитор, бұлбұл  
әнші деп қоймай, көркемдігі мен кемелдігі мол  
дүлдүл ақын деп қарауға шақырамын. Үкілі Ыбы-  
рай жалаң ақын емес, ол ел қамын жең ақын-  
дық, сөзбен айқасқа түскен қайраткер ақын, жан-  
жақты біртуар ақын, оны алдыңғы қатардағы  
акындық санаттан қалдырмайық, қатал заманда  
қасірет шеккен, елі үшін құрбан болған Алаш-  
тың арыстарының қатарында азаматтық биіктен  
де көрсете білу адал шарыз. Осы жинаққа кірген  
Үкілі Ыбырайдың поэзиялық еңбектері ақынның  
қай дәрежедегі ақын екенін анық, көрсетер деп  
сенемін.

*Қазақстанның Республикасының еңбек  
сіңірген қайраткері – Кәкімбек Салықов  
Астана, 2005.*



---

# ӨЛЕНДЕР

---

## ГӘККҮ

(I-myrī)

Құс салып айдын көлді дабыл қақтым,  
Ән салып талай жердің дәмін таттым.  
Жетсін деп осынау даусым "Гәккуіме",  
Гәккуді қайтқан қаздай қаңқылдаттым.

Таранған аққудайын айдын көлде,  
Көз тартқан шолпыдағы алтын теңге.  
Қарағым, айналайын, кез келдің ғой,  
Атанған өнші Ыбырай біздей ерге.

Түрлентіп тоқсан турлі ән саламын,  
Жай тастап құлашымды кең жаямын.  
Түскенде сен есіме ерке "Гәкку",  
Құлпыртып осынау өнді толғанамын.